

Cubaan kali keempat berhasil

KUALA LUMPUR: Bakat kepemimpinan dalam diri serta ketegasan dan kepetahannya mengeluarkan kata-kata membantu, Amurrudin Abd Rahman, 23, menjuarai Pertandingan Pidato Kepimpinan Harmoni V Intervarsity (Peniti V) 2009 di Universiti Putra Malaysia (UPM) semalam.

Pelajar tahun dua jurusan Pengajaran Bahasa Inggeris Sebagai Bahasa Kedua (TESL) itu berkata, tema pidato kali ini 'Kepimpinan Transformasi Pendukung Aspirasi Negara' bertepatan keadaan masa kini.

"Ini kali keempat saya menyertai pertandingan pidato ini dan kali ini penat lelah membawa hasil lumayan.



MANTAP
...(dari kiri)
Siti Norr Hidayah, Amurrudin dan Azri bersama hadiah masing-masing.

"Pastinya kemenangan ini sesuatu yang membanggakan kerana persaingan antara peserta juga tidak dapat dinafikan hebat terhadap isu dibangkitkan.

"Setiap pelajar perlu mengetahui tanggungjawab diri terhadap negara, bangsa dan agama serta tidak melupakan jati diri," katanya selepas diumumkan peme-

nanng di Dewan Sri Harmoni, Kolej Kelima UPM di sini.

Beliau membawa pulang RM2,000, piala pusingan dan piala iringan. Tempat kedua dan ketiga dimenangi Azri Zaheir Azmi dari Universiti Malaya (UM) dan Siti Norr Hidayah Mustapha, siswi Universiti Teknologi Malaysia (UTM).